

竹

初

詩

鈔

竹初詩鈔卷之二

武進錢維喬樹參著

姪伯珂

中錫

編次

子中鈞

孫潤斯
溱斯

校字

立春後二日雪

一夕寒威入披衣曉牖明凍梅驚坼藥宿酒幸浮甞憶
別吳山霽占豐澤國盈好看新旭起消息問春城

再送蔣八瑩溪入都卽寄其仲兄立葦

東風雪霽生春寒故人裘馬之長安銜杯執手未得別
臨岐惜此平生歡君家仲氏亦吾友能詩嗜酒兩無偶
不教春草夢天涯忍使晨駒感楊柳我亦湖山近有期

真成越鳥慣南枝狂蹤漫落君還憶好向歸鴻訊所思
將之越中留別似撰甥赴山左

重與吾甥別遙憐馬首東貧教忘客味才足耐時窮風
雨狂歌倦關山把酒同可能歸歲晚勿使兩飄蓬

重至越中有懷舊遊

東風吹百草綠我湖上隄開窗對尖嶺迢遙美人期美
人在何處落日滿烟樹去歲雁北歸今年燕南度相思
復相思腸斷金屈卮晴絲渡江水何有墮地時

湖州試院索大兄畫山水冊子書以奉答

寒城十日積雨昏客窗展卷生煙雲是何下筆起萬壑
得毋真宰排天闢吾兄夙有山水癖邇復遊從衆山窟

雁山怪石撐胸中發爲長篇氣特元知兄詩中已有畫
更一揮毫發光怪與酣往往剪燭成巨幅淋漓四壁挂
憶從去年來越中山靈笑我多塵容眼前七十二峯好
春湖一艇愁空濛臥遊十幅等尺咫結茅策蹇彼誰子
數杯下若起復掛青纈何日從此始

平望舟中觀大兄畫米家山卷子

吾兄謂我愛畫真入骨吾兄作畫乃亦然不然何故尺
紙偶到手便爾點染成雲煙人生展遊亦易晚不如興
來把卷長在眼南潯十里春樹長化作雷雨天蒼茫大
橫點點起復下倏有濤聲共奔瀉吳山耶剡溪耶輕帆
是處堪浮家酒闌勿吝一揮手就中山靈一一都領首

嘉禾試院偶成

東風吹客來遠墮吳山巔一夜逐歸鳥飛渡鴛湖煙支
牀偶得地亭館能清閒明月照畫屏見此江南山江南
三月時新晴白袷早日暖蝴蝶飛捲簾對春草草色亦
已綠燕子亦已來不知故園桃穠華何日開徒爲把尊
酒一引傾愁懷

舟中見柳色

輕帆東下霅溪遙一片平蕪曉氣消不見江南寒食雨
春風吹出短長條

不寐懷似撰甥

千里悲遊子湖山夢未成鄉心連夜雨別緒共寒檠魯

酒無辭醉南雲不計程聯吟詩句在空復數平生

拜岳忠武墓

鄂王墳對兩峯遙落日松楸捲怒飈誰使黃龍辜痛飲
空將碧血作寒潮忘讐敢復誇佳士行樂何堪戀小朝
冤獄更傳明少保傷心雙碣氣干霄

金沙隄

微風引雙槳一曲通湖光落日山翠來散影明回塘人
分竹陰綠水漾荷氣涼言尋古麴澗半醉看流觴

張東畬畫米家山見貽題以報之

咫尺生雷雨重湖素壁橫山將烟樹盡天作水雲并一
艇愁孤入三年得舊盟

余自前歲來越
昨始一至湖上

相期還把楫更

寫夕陽明

擬古

太華一千仞面面青芙蓉陰崖澀積翠懸瀑飛秋風標
靈紀少昊萬古稱山宗一朝漢武來遂有玉檢封我欲
陟絕頂呼吸清都通白雲邈何之太息希夷蹤

拔劒起擊柱化爲虹繞梁嗇然鳳凰鳴聲與天低昂丈
夫一墮地蓬矢射四方虎頭飛食肉萬里寧云長始知
傭賤時投筆言非狂珠崖久寂寞俯仰悲流光功成謝
天子揮手凌穹蒼

中堂列趙舞後院羅吳歛妖姬十八九艷色分朝藻馳
情轉曼睩贈意流明珠感此清興長一引傾百壺春風

不相借落月啼屋烏昔時歌吹臺但見青草蕪

汲水苦綆短引弓苦鵠遠碧井多寒瓶黃閉有遺聲君
子惜歲晚志士驚鴻名權衡至人懷六合隨所程

桃源去人間不知幾萬里千載武陵人天風吹至此買
卜成都簾懸壺長安市和光發道論游奧契元旨鸞鶴
終高騫薜華遂夕死空傳海上藥幾誤塵中屣

長安三月時桃李飛芳華開筵粲錦組得無張趙家落
日照朱戶閒道多狹斜我來從之遊半醉嬌琵琶意氣
傾杯酒肝膽明秋霞千金歌舞盡一擲梟牟誇人生貴
行樂雲雨且莫嗟安能強渙浥對面作槿花

秋風海上來落日明旗旌登高眺故壘衰草連寒城昔

時霍嫖姚笳鼓無遺聲戰骨雖已朽千載圖勲名古人
重守邊四夷作藩屏北候與南尉在德非險憑至今秦
時月猶照漢將營請歌上之回勿作從軍行

南國有好女被服純與素摩鏡粲浩齒招腰作雲步豈
有傾城姿蛾眉敢相如芳心十年守折盡桃李樹不作
可憐人丹青易錯誤

東方好玩世乃在金馬門辟戟請誅偃豈惟詆諧聞幼
從紫沂海濱裳若木津數窺朱鳥窗未使王母與神仙
不在遠半與飛鳥羣山中牧羊兒一夕登紫宸

碧玉作秦鏡七寶蟠螭龍贈子明月光萬里長相從去
去入河洛朔雁飛長空寧知深閨內三歲歎首蓬兔絲

不墮地繚繞依喬松幸託歲寒心不死隨秋風人亦有
新故水亦有西東毋爲白頭吟惻惻傷我衷

白露團清輝庭蘭發幽馥秋風吹不盡散作湘水綠美
人嬌長袖延佇在修竹落落陽春輝所感歲序促徒以
芳草心續此郢中曲

山陰道中

放船隨月靜把酒得山閒始信名溪好無愁薄暮還鳥
聲多谷口野色半煙鬟何日捐塵慮爲家擬白鷗

曹娥江

髫齡一死赴馮夷伏闕淳于事未奇天地竟能迴白浪
雲山長與護靈旗至今伏臘村翁鼓何處荒涼幼婦碑

單舸我來初展拜悲風獵獵布帆吹

登四明郡樓

岩巖鎮郡有雄樓落日憑闌萬瓦浮天到山城疑作瘴
地連海氣易成秋虛令鴻爪添吟跡未有雲衣助壯遊
把酒不堪愁獨往蒼茫何處是瀛洲

擬遊天童不果呈大兄

聞道天童寺千年太白臨地分靈蹟舊山入暮雲深着
屐緣寧淺回帆思不禁煩君語惠遠遺約記清吟

寄似拱甥鄆城

虛館初涼夜氣昏遙情千里歎蓬根人來海國多風雨
書到齊雲有夢魂吟卷定牽中婦鏡

甥客遊多懷內作

客衣正

感北堂尊新聲記否琵琶在腸斷歸來好細論似換有度曲女

子弟

四明懷賀秘監

昔年賀監遇青蓮一解金龜歎謫仙
諷諫中曾陳玉牒風流晚始契瑤編
歸來天子青門餞去後長安朱紱憐
千載鏡湖餘故宅帝城飛鶴竟高天

一種

一種牽愁緒情分去住難
雨聲隨夜密鄉思近秋寒
白岳遊誠壯詩篇興肯闌
又過瓜果節牛女負同看

擬歸別幕中諸子

無才不敢到名山翹首仙都縹緲閒
君向赤城尋嘯咏

我從剡水弄潺湲鄉關漸及尊鱸美海國應愁風雨艱
歲晚南鴻消息至扁舟好與逐潮還

七夕宿岳林寺

閒階星斗接山城瓜果僧寮亦有情不見銀河橫片影
鐘聲敲徹碧天清

早行

夢回聞僕語跋履促登程霧曉山痕出煙開野色明幾
家村市早一徑石橋平漸覺輕寒散遙峯日氣生

過西淀始見海

層崖開海色豁眼碧天長一氣浮諸島千年湧大荒雲
痕迷浦澈日影動帆檣采藥平生願乘桴恐渺茫

秋海棠

庭前海棠嬌未摘秋風吹此好顏色數枝軟弱百草叢
不作晚香空自惜我來客館偶見之何因擷取遣所思
鄉園雨後葉滿眼定有沿階發深淺黃磁碧椀誰汝珍
莫怨南中露華晚

曉發寧海縣山行

欲雨海風涼濕煙浮滿嶺出郊見曉霧漸入氣轉迢遙
山不成痕霽樹乍出影盤盤入迷漫疑已到巔頂稍稍
日色升擺耆見萬頃潺湲澗聲繞客夢因與醒

澗聲

澗聲清繞路亂石氣初寒曉日褰裳易塵輿傾耳難勢

疑千峽束散作一溪寬片晌臨流意閒雲去未殘

過小溪鋪

一片山痕曲人家傍嶺微炊煙青不散半雜曉雲飛

清泉

清泉終古急對此意偏閒不及山飛鳥朝朝弄影還

桑洲嶺

一身山色裏眼與暮天開遠近羣峰合高低仄徑廻澗聲隨石起日影逐雲來不盡幽尋趣歸禽莫浪催

銅巖嶺二首

地入層崖窄雲從疊嶂低天風吹不散夾道綠陰迷
竟忘幽磴滑百尺躡泉聲不忍籃輿遠遲迴萬古情

晚望

秋意欲成雨涼颺半入樓捲簾青嶂合拂樹白雲流漸
遠歸禽暇餘明夕照幽登臨千里意雙螭豁凝眸

夢遊委羽山

三山月起碧海明仙人跨鶴遊太清天風吹墮一羽輕
洞門千載煙蘿青我行到台嶠朗吟問瑤草回首望四
明丹赤半縹緲悠悠長空白雲何來蟾魄萬古使我徘徊
金庭七十復有二近者千年得一至雲車風馬非指
南天衢眈蕩恐未諳昔聞卯金子遠舉構靈宅丹成鼎
滓飄塵埃化作稜稜萬方石我亦蓬萊舊時客坐對青
山歸未得暫因飛鳥來一過眼看日影生秋河

望巾子山

一雨洗衆碧巒光滿高樓輕颺漸生雲夕影萬樹秋何
年駐仙馭青幘墮未收我來眺遺蹤眼雙塔適鐘聲
不到地白日過上頭時時飛鳥外遠見山寺幽林煙雜
海氣散作空翠浮何當駕羽翰絕頂快一遊

曉雲

曉雲護遙嶺山與雲未分自非入眼久安辨雲中痕稍
稍吐半巒其上連秋旻漸覺山色定始驗移者雲浮空
忽破碎散作薄絮紋回颺出塢影飛鳥追所群坐看日
氣開霽樹見始真

台州弔文丞相

嗚呼宋祚何草草百年疆土真作沼金鰲一艇纔偏安
又見諸王竄荒島西風鱗鱗飛渡河誰持赤手來求和
真州倉卒脫虎口復冒萬死馳滄波同時將相陳與呂
紛紛降遁安可數伯顏不殺好男兒遂使江南遺一旅
厓山鼓絕戰艦焚長星夕墮天爲昏黃冠不遣作後舉
殺公乃是南朝臣憶昔扁舟初泛此家國茫茫海風裏
亂礁萬石一聲號蹙眚悲濤接天起軋乳生還竟未能
捐軀五百感田橫終教大漠老瀛國汴流寂寞江湖平
我來海畔懷遺節落日仙巖猶百折台有大忠祠在仙岩靈祠安
得薦蘋蘩正氣千年看碧血

蘭影聯句同作者大兄茶山姪壻崔蒞坪

孤標超象外影與玉壺清涼月初廻照

茶山

長檠欲借明

暫通騷客意

樹參

莫辨美人情檐露潛難挹

樹坪

爐煙暗欲

迎素屏分九畹

茶山

秋圃夢三更紉佩原無質

樹參

微祥漫

有名紙窗搖剪剪

樹坪

瑤砌俯庚庚怨魄誰招得

茶山

幽姿

亦瘦生低回羅袖薄

樹參

隱約碧釵橫一見已心寫

樹坪

相

看未目成就奩尋窈窕

茶山

寧幙隔輕盈肯趁晴颺動

樹參

常嫌宿霧縈句中愁絕調

茶山

畫裏認傾城趣向彈琴悟

香疑入室并忘非綠久坐

樹參

秉豈託微行竟體神如

接樹坪循咳態自呈歡言遺臭味

茶山

吹氣負生平靜夜邀

良晤

樹坪

空山憶舊盟沅湘仍試采

宜真賞移樽襲紫莖

茶山

登樓

虛樓通霽色愛此夕陽移一徑鳥飛去四山雲起遲
咄痕銜遠堞林氣浴寒炊結屋真吾侶幽尋願倘隨

自台州起行

半月吟魂繞四明西風復此促行旌何來海國生秋思
是處雲山有別情落日數行分雁影新涼幾樹起蟬聲
南遊爲愛龍湫瀑翹首籃輿早計程

聞署中有白鶴飛來喜而聯句

小園得佳訊遠下霜臯禽暫隔九秋路

茶山

來託萬里心

孤山訪自昔

樹參

遙海夢至今集竟赴招手

藍坪

舞聞說開

襟非緣筮月引

茶山

詎以松雲深有約盤素雪

樹參

忘機慙

丹林宵露始傳警

坪

玉書倘貽箴循廊遂磊落

茶

調竹

初嶽嶽矯翼罷遐思

參

顧影驕新音珠樹承借問

坪

芝

田永惠臨躡蹻戀挹翠

園中亭名

嘹唳留鳴陰雞羣立

豈屑

參

鸞侶懷何任攜緬太守潔

坪

放與高士欽晴沼

曉驚驚

茶

春幡畫沉沉如求故巢燕

參

好辟斷簡蟬

鶯

能辟

茶煙或偶避

坪

魚子知獨尋誰敢襲桐煮

茶

胡慮

挾彈侵披篴渴清晤

參

積糧欵幽歆零分薛公畫

坪

雙

厭杜老吟還冀目視孕

茶

夙鄙腰纏琛懿軒媿未效

參

禹步勞相禁仙驥隔台嶺

坪

扁舟憶湖潯喜映堂上髮

參

寄語聞中琴子和企一一揖予話歸岑

茶

山

雨過拘嶺

百尺繞飛梁回颺萬壑涼澗聲喧衆樹雨氣亂斜陽遠
岫容初似奔雲勢各忙褰帷看半霽洗眼暮烟蒼

過謝公嶺始到雁山

名山有神交著眼喜乍識遂攜叩竹杖徑下萬仞壁羣
峯各參天曉日競衆碧遙風逐飛鳥始覺烟霧隔平生
瀛海期遠舉夢自昔如何人間世復吝幾兩屐白雲二
日約塵顏恐未釋願似雙青鸞翔空得徧歷

靈峯洞

內有大士
及羅漢像

羣峰勢無地香界仄乃奇長泉雜鐘聲吹我入翠微山
僧貫攀陟到寺石徑欹遠上怯百盤脅息足屢疲谿衍
忽開豁仰視驚厓屨誰知一綫雲闢此龍象棲萬石簷

欲墮坐久神未夷千尺垂明珠時作微雨霏幽房自成
氣捫壁苔蘚稀遙知出絕頂近接日影低還當擲飛笻
一舉凌天梯

自碧霄步至真濟寺

沿溪竟忘遠山氣忽成雨遙望千仞峯身入得淨土虛
樓障雲岫日影未辨午出戶聞潏潏涉足石可數雙崖
勢疑合稍轉遠樹吐復坐梵舍深白足偶共語屋頂森
萬竹空翠墮眉宇披襟滿涼簾六月定忘暑嗤彼塵中
人幽棲境終阻

淨名寺

千盤開竹徑一憩到雲堂樹滿秋聲落山深日氣涼參

天蒼障古繞屋碧泉長野蝶忘機甚飛飛戀客裳

望天柱諸峯

雁山東轉森羣峯突然到眼天柱雄何年掌擘鎮南戒
岧嶇一氣撐寒穹循行屢望疲引領但覺雲霧蟠絕頂
屹如五岳推神宗過者心神動欽憬仙人對面張錦屏
孱顏十里霞作城靈竒萬狀肖所指紛紛丹堊非人能
山頭老僧詎那侶維摩片石參太古晴窗曉啓玉女來
隨風往往雙鸞舞遙看側嶂開天聰砉然長嘯帝座通
神龍怒攬雷雨走坤根一軸天無功我聞崑崙高萬八
千丈近覩諸峯亦神王千雲拔地胷所無陽闢陰廻各
殊象安能挂笏朝夕看直凌蒼翠棲層巔巨鰲戴我復

飛去定得高吟海上山

靈巖寺

幽尋戀蒼翠未知身益高層崖徑忽轉裂石成僧寮當
空墜仙屏咫尺生烟濤天風滋萬竹影與山色搖蓬瀛
渺何所飛鳥手可招惜無一片雲遠駕憑遊遨

觀大龍湫作歌

我聞龍湫之水五千尺終古懸巖吼霹靂幽尋滿耳虛
濤鳴躡足危亭變顏色上有神龍吐噏之真源下有渟
洄湧溜之清泉雙崖陡束仰不極凌空一道成寒烟初
看匹練掛玉宇散作晴絲裊萬縷旋疑天半珠幙垂紛
紛到地白雪廻銀河高瀉落遠掌星流電射晶光開怒

如三峽激石來靜或曉霧隨風吹有時作勢歘中斷漸
覺前山雨零亂迴飈轂轉捲乍迷盤旋倒向絕壁飛忽
然撒影竟何有但見危峯不動雲疾走須臾歎薄響益
雄瞥眼百變驚空濛是時坐久夕氣陰况復深秋衆樹
號蕭森四圍青嶂濶欲滴千尋碧落寒光侵恍然置我
蓬壺閬苑最高頂天風灑落一掃開煩襟吁嗟乎匡廬
三漈未得見竟陵谷簾亦徒羨表奇愧乏太白才朗吟
空欲馳霄漢攜筇願復曉一過起看日影五色傾金波

錦溪

幾派幽泉石氣分斜陽落影乍成紋潺潺流過能仁寺
一片鐘聲起白雲

下四十九盤嶺回望雁山

秋風信無情吹日忽已暮名山重惜別一步一迴顧盤
盤入寒空曲磴屢回互惟餘夕陽影彷彿辨烟樹美人
期三秋新交倏成故有若羅百珍到口未得飫雲泉滌
塵想清響夢或赴却下芙蓉村蓬瀛隔來路

宿館頭登寺後小山晚眺

一夕名藍宿秋潮望未生天隨羣岫遠江接落霞明杖
策餘幽興揚帆滯客情煙中雙塔影彷彿見甌城

遊石門觀瀑

夙吟太白詩遂理謝公屐遠上窮秋巖雙崖忽中闕雲
泉竇天半飄灑萬丈壁仰見銀虹飛到地素影激四山

黯欲雨一綫垂日色坐久寒生衣石氣森漸逼雁山兩
龍湫攬勝快乍厯復此續幽興欲去意屢惜解纜寒灘
鳴清響倘未隔

桃花嶺

一徑穿雲出于盤向晚開前山人近遠半嶺鳥飛迴別
緒荒城隔清吟落木哀簾輿秋不盡又見夕陽催

隘頭嶺

入山三十里嶺勢轉迢壯盤盤隘頭路振策天宇曠旋
空入寒煙亂石屹相向噴吼起足底俯睇神強王稍下
林屋生鳥道訝却望始知行空濛已厯雲氣上高秋日
易匿暝色漸遙嶂仰首慚飛鴻臨風獨惆悵

紅葉

楓林新雨沐艷愛葉飄丹點染秋霜早經行夕照殘數
叢村舍近一樹澗流寒撫卷懷真景舉帷子細看大兄
爲予

畫白雲紅樹
圖攜在行笥

宿荆坑

竟夕疑風雨寒泉枕底鳴起看山影出殘月半鉤生

縉雲縣

問俗過荒戍停車媿吏迎四圍山作障百里戶皆耕邑
小廉明易民貧禮讓輕喜逢淳令宰發軔見深情邑令
令狐

君甫莅任能勤民事
余晤之貌甚古樸

廿七日宿永康旅舍計後七日幕中諸君亦當止

此書壁遙贈

分手秋風獨雁旋
亂蛩荒邸客愁牽
何人遙續聯床夢
屈指離蹤定惘然

曉發蘭谿憶大兄

去歲同舟此分手
今來解纜復孤征
雲山到眼真如夢
鴻雁經秋便計程
樹色遠兼平楚盡
灘聲寒逐早帆輕
西風何事吹人速
兩兩閒鷗見我情

下灘謠

上灘水速下灘水遲
匪速匪遲人心間之孰羨于人而
歎于身莫知苗碩諺亦有云

下灘何易上灘何難
難亦毋輟易亦毋安
順逆者人其

至則一前之艱勤後之坦逸

阻風宿烏石灘

四山欲黑石尤作遙空蕭颯風勢惡與崖不動葭菼忙
檣烏側翅不敢宿長年熟睡客子愁五更推枕聲未休
乃知時會有遲速下灘輕易啜來舟停帆且聽一夕留

過釣臺

南來七里瀧水長客星終古臨寒江荒祠憶昨乍展拜
迴帆復此依清光嗚呼銅馬真帝子如何三聘竟未起
千秋冠鄧皆勲名釣臺得與雲臺爭先生高臥最閒適

莫聽西隣慟哭聲

對山爲謝
阜羽墓

百浦

一晌乘帆易時山望渺茫人隨舟楫遠秋入水雲長宿
鷺衝烟起幽花近礪芳驅牛看稚子歌笑亦滄浪

舟次有懷大兄卽寄

落日寒江樹影稀西風蕭瑟動征衣頻年異地長爲別
此去登高又獨歸把酒易傷千里隔望雲且慰一秋違
檣烏未解人愁思却傍輕帆故故飛

晚過湯家埠

遠火明寒霧危檣入暗雲客心隨夜永秋思與江分樹
影依舷辨蟲聲近岸聞計程猶一昔歸雁羨紛紛

迎潮

五更顛風雨脚吹酒醒隱隱聞輕雷前行漸遠意稍懈

歟然萬騎騰空來披衣起坐響已遍排山倒海船頭摧
扁舟簸蕩不自主潛龍作勢老蛟舞須臾一落千仞危
有如從天墮片羽長年把柂繫不語滿船乘燭色盡土
我聞遠岸觀更驚洪濤直冒帆檣行瞥眼一葉竟何有
迴波始見孤篷生鴟夷白馬洵神靈平生忠信未敢矜
微軀已與舟子并乃知涉險恃天意平明坦臥魂轉悸
過湖數里間來舟有赴婆
娑者隨潮而沒亦甚危已

平望

久客親舟楫遲歸意亦懸雁聲寒有月湖氣晚多煙越
嶺愁遮目吳歌感叩舷鄉心忘坐久衣露濕留連

行東湖

鄉關漸近客愁刪一晌乘帆空翠閒日午鐘聲遙岸起
舟人指點上方山

聞笛

燈火千家晚帆檣獨客秋數聲烟際笛涼逐水雲流

虎邱懷古

片帆東下闔閭城落日遙鐘野霧橫荒塚何年埋劍氣
寒湖終古咽簫聲江山一炬人安在麋鹿千秋恨未平
多事生公誇妙諦廣壇寂寞亂苔縈

新月

孤帆初出影新月逐舟行未改三秋色長含千里情亂
螢飛欲滅歸鵲繞無驚此夕閨中望凭闌定計程

過梁溪

推篷山色曉雲連
一夕寒霜雁影前
猶憶來時沽酒處
綠陰幾樹送新蟬

歸家後檢點篋中得鮑秀才治堂詩一紙有懷却寄

才子南徐推玉貌
相思三載訊平安
從嗟覆手貧交寡
定有新歌行路難
夜雨橫江歸雁少
秋風采石片帆寒
還家更草長楊賦
獻歲期君把袂看

再至越署示大兄不日復將言別

與君分手括蒼秋
又逐征鴻歲晚留
易別却增相見樂
得歸轉起獨吟愁
休因仰屋辜豪興
好待攜尊訪昨遊

我自凌雲惜才氣故鄉那問鷓鴣裘

贈似撰甥

吾甥青雲姿倜儻故無偶懿子渭陽誼總角情孔厚頻
年客風塵南北兩奔走歸來逼歲尾衣敝顏色醜人生
若浮雲飄忽東西行憶從十年來離合復幾更丈夫貴
知己落落肝膽盟長江瀉千里懷抱爲君傾玉盤薦素
柰空谷墮朱李失意尺蠖藏得時鴻鵠起浩歌南山石
扣角難自已飄飄長卿賦終期動天子如澠積清酒縱
飲君莫愁須知歲光馳轉眼華髮休弋獲苟富貴貢身
良足羞請看懷中刺漫滅且復投

臥疾有感

幾日孤吟嬾空嗟
掃徑虛捲簾惟對雨
高枕偶攤書病覺
浮榮賤貧知
汎愛疎催人愁
令節把酒費躊躇

寄大兄代柬

吳山一分手夢想已三秋
以我憐兄病期君慰弟愁
別客都攬鏡吟思獨登樓
努力須加飯關心兩白頭

夢與大兄談詩因寄

眼際論詩有幾人
廬山面目總非真
祇應一夕池塘草
剪燭西窗話倍親

問署中白鶴寄姪阿越

問訊孤山客雙棲定不驚
平生遼海夢幾日故園情
修竹排新翠寒池泮晚晴
慇懃與調養看取羽毛成

春思曲

博山爐中烟縷縷美人如花隔窗語粧成孽鏡眉黛吐
晴絲欲墮柳絮舞東風本無心桃李值之開羅幃不自
卷燕子雙飛來寂寂復寂寂苔痕零落委春色欲言不
言有所思年年聽盡流鶯啼

綠綺琴

綠綺琴清且幽相如攜向臨邛遊求凰一曲音響流文
君感之中夜投飄飄凌雲才乃以狗監起未若琴心通
蛾眉作知己千金買賦取酒多白頭吟罷恨若何至今
蕭瑟茂陵雨歲歲秋風長女蘿

憶越中遊跡六首

西湖

少小棲湖畔重遊三載親扁舟餘我輩結屋羨他人山
水南朝恨鶯花澤國春誰能與西子淡掃見天真

吳山

鎖院依晴麓墻陰列數峰幾時閒屐齒鎮日跂雲封縱
眼江湖壯排秋煙樹重胥祠何處所憑弔感遺蹤

釣臺

不作南陽佐孤標千載清投竿虛物望高臥薄功名酹
酒荒祠圯捫碑秋蘚紫西臺餘慟哭愁殺暮潮聲

剡溪

名溪風景好乘興子猷船兩岸飛秋月孤帆入暮煙幽

禽鳴下上高澗瀉潄潄不爲鱗魚鱗吟情半載牽

雁蕩

草草名山約探奇一日綠精藍都拔地怪石各參天雙
瀑晴虹挂千林曉翠懸如何永嘉守斤竹屐空旋

石門

寒潮催客棹晨策境逾幽絕壁晴飛雪空山響易秋仙
才今已邈指太白王佐跡難求指劉文成何日同懷侶相將續
舊遊

春閨

曉夢嬌成嬾卷簾日易斜粧成不自許細細度安花

青鳥吟

青鳥天半來口銜雙明珠復有錦字緘云是王母問訊
子開緘一字無至道要使煩言除自離閨苑幾千載雙
成控鶴長相待手種瑤芝今滿山別後安知顏色改我
欲乘浮雲天風吹不起我欲渡銀海白浪沒我履秦皇
漢武長已矣大藥眼前空萬里爲我語青鳥訪道未得
休咨嗟有如久客終還家人生富貴等閒耳誓將勾漏
尋丹砂

臨河歎

天何爲兮蒼蒼水何爲兮湯湯臨河欲渡川無梁登高
遠望使我傷

幽澗曲

荳坪

明月不自愁萬里照別影遙情隔天末把盞心耿耿縱
飲豈大戶祇藉驅煩憂深杯百罰不肯謝看朱成碧狂
放謳尊前飛墜太湖水羣山蒼蒼月初起舊廬縹緲湖
東間馬跡龍游近堪指十年奔走疎釣竿扁舟却羨烟
波子臨風都是澹蕩人况復南潯下若當筵陳北門未
免賢者謫東郭敢厭先生貧荳蘭在野蒿在把眼前榮
落寧須論今年對月生愁緒明年對月知何處疎雨螢
飛荇上溪孤帆日落黃河渡人生鴻爪豈偶然清輝照
盡勞人顏君家達者惟漆園據梧一夢神九天何時雙
著白雲鳥與爾乘槎銀漢邊

眼鏡聯句同吳泉子大兄茶山姪婿荳坪作

巧匠撥雲霧圖中切太清金篦何用刮茶山銀海別留名

畫憶麻茶讀子泉碁嗔眊躁評幾時隨齒豁樹參一試撒心

盲勿厯疲于照坪爰資視曰明嵌空初射彩茶山屈遠早

飛精象罔珠仍得子泉離婁矩漫成琢非修月斧樹參規以

測星衡浸潤週輪廓坪磨堅辨縮羸體宜珍合璧茶山封

若著連城枕底春冰薄子泉窗楞曉日晶形分裴帶小樹參

絲繫藕腸輕素質瑕疵匿坪靈胎篋衍盛戴匡徵不夜

占角驗恒晴他耀眉峰蠹子泉旁參鼻觀撐屏風誰道

隔樹參囊露未須傾剪水重瞳澈坪披文四目瑩發蒙驚

抱珥茶山通內晃廻榮燕側和光吸子泉簾掀踏影行三摩

融色相參樹八垢絕將迎觸柱回先覺坪籠紗詔後生看

花休悵老山暈碧豈嫌醒兩作芒真繼子泉雙懸照已并

還應鍊天眼參樹朗鑒徹周平坪

嘉禾試院寄張舍人少華雲間

分手桑乾悵獨行南雲復此隔離情明河百里愁相接
落月三秋夢未成自媿狂吟無舊雨遙知染翰有新聲
君家鱸膾真吾思何事征鴻尙計程

舟中見水車聯句三十韻

愆陽驕三庚課雨窘六月屋敖下懸車茶山河澣理舊闕

尋畦厓圻兆傍隴謀陰暘分勤婦子偕參樹利導筋力竭

坡斜嬌承霽岬聳短樹槩橫轂手試推坪眠梯踵繼掀

回回踏牛趾節節引龍骨蛇蛻互槎枒茶山豚吹遞出沒

旋窺璣在衡走悟輪赴軌駢枝疊辦幹參樹鑲脊嵌凹凸

循環法連鎖排次狀束笏小大各斟斗坪高低爭擁馭

擎拳飲聯臂巧捷動牽髮先偏後彌縫茶山上巢下營窟

修尾拖渴虹銜翅盤陣鶻蕩葉扇驚波參樹迴颺刮鳴忽

盆傾挹復注軸卷埋更搯鷗夷吸有源坪滑稽運無闕

展矣驅班班逝者來汨汨安流竟倒捲茶山潤下兼旁突

溝盈如川臻蓬轉匪風發蹈空胝生繭參樹服苦脚不韞

效收舉足勞勢異急行蹶輕命忘垂堂坪得心應交脲

煥焚視則槁灌溉興也勃機事謝漢陰茶山農功閔吳越

漚池剛浸彼嘉種戒第厥野人習脂韋參樹稚子嬉諄咄

警我響繅車念此艱用坐翹首願爲霖堦一昔移溟渤

茶山

竹初詩鈔卷之三

武進錢維喬樹參著 姪伯炯 中錫

編

子中鈞

孫

潤斯
漆斯

校字

金井曲

碧梧金井飄夜涼美人深坐織桂揚銀河漸轉月華仄
響泉三尺橫匡床撥絃一弄清在耳天風吹雲墮秋水
瑤宮自着七襄衣塵世何勞問羅綺山在後兮海在前
眼望列缺心炯然只言碧落萬里遠亦有青禽共往還

越中七夕和姪女孟鈿韻

歲歲銀河駕鵲遲客遊空復到星期清宵誰遣陳瓜果

愁向天邊數別離

夢中得首二句起足成之

吟響動落葉客心入秋燈
舉帷明月來碧海萬里情
夢中故人面覺後吳山青
長歌不可記別路繞江城

喜雨

今年干支慳七月熯溽暑
驕陽煽餘虐屏翳不敢吐
我從嘉禾來萬畝漸斥鹵
家家盪水軸日炙動邪許
深抱蟣蝨忱扣額愁見拒
寧知復旬朔胼胝益困楚
蚤起覘晨晞暮歸仰星宇
十日更乾土農夫淚成雨
今朝輕雷鳴顏破忽笑舞
固知造物厚未忍聽饑阻
誰能片頃澤頓釋終歲苦
點滴入農心何待沾苗黍

夜坐

竹籟初過雨，輕涼暮靄微。
獨爲虛館坐，空對亂螢飛。
緘恨新絃扇，傷秋舊袷衣。
極知鴻信杳，歸亦故人稀。

佛手柑

莫惜香沾手，還看色照人。
清霜催未老，素盃供初珍。
一握參微笑，雙拳證夙因。
平生厭禪悅，未藉指前津。

枕上

吳山雨歇暗飛涼，獨展秋衾見月光。
心與寒鐘遠搖漾，夢隨湖水晚蒼茫。
誰家挑錦停虛幕，幾處聽蛩感故鄉。
寄語征鴻休間訊，銜愁爾亦碧天長。

書懷

三年棘院鎖長閒身逐南鴻歲往還動地潮聲遊子夢
經秋山色故人顏詩篇未敢傳青綺生理誰能付白鷗
指日明湖復揮手雲踪何處總塵寰

雨後同人集虛亭晚坐卽事

欲霽吳峰近墻陰翠影浮竹深遲到月泉長暗添秋掃
徑分桐實緘題當茗籌狂歌感雙鶴清唳向人幽

對月

連宵風雨隔塵顏一艇湖光客夢艱今日推窗見清影
美人何處想煙鬟

偕大兄及諸姪湖上觀荷

半載朝霞作比鄰秋風麴院解迎人暫來隔浦先明眼

小立幽香漸滿身
弄權幾時逢越唱
製衣終古染湘塵
折歸好向詩窗味
慚媿青蓮是夙因

亭亭青蓋散廻塘
十里生香破曉光
詞客臨流慚素影
美人絕代許紅粧
曾經夢斷耶溪月
莫遣秋生太液霜
我亦相思入蓮惹
仙風愁與解明璫

月夜集院中吹簫作歌

丈人愛學丹邱吟
賤子按節翔胎禽
偶來塵宇弄玉琯
越山萬疊吾知音
秦臺遠去幾千里
莫向人間悵簫史
百尺高桐爽籟飛
天風吹墮銀河水
空庭嚙暉接太清
恍然身踏冰輪行
直攀碧落搖寒星
雙成含笑玉女驚
三十六簧聲忽斷
散作晴雲繞瑤殿
獨有青天夜夜心

肯教明月秋相見人生百年不再來等閒結緝摧雙眉
正愁瀛海悠悠隔不遣金波瀉酒杯

偶成

一曲清颺空際流碧梧葉落砌蛩愁笛餘人作天邊夢
簾卷月明枕上秋

得家書有作

清秋乍得高堂問愛說嬌兒學語新此日含飴能博笑
他時見月解懷人提攜幾費愁中力刀尺仍勞病裏身
好待寒窗倚虛幌扶來膝下話艱辛

欲雨

曉枕新涼到空庭雨氣生斷雲兼鳥疾遠籟雜潮輕越

隴雖含潤吳山莫放晴

浙中近已得雨
問家鄉尚苦旱

還教添客爽徧

慰望覓情

喜吳孝廉泉子至署口占索和

久客珍離緒分帆感昨遊
今看湖上月復共故人秋鄉
夢萼萸美美官齋桂露幽
銜杯歡此夕莫問砌蟲愁

贈序東姪

長松植崑崙歲晚皮幹堅
黃鵠萬里翮不爲驚風還否
泰造物柄坎壤非壯年人生
富貴成方許求神仙吾姪
少侗蔬布希前賢爲家太湖
東盪隔開雲煙往往肝
膽合糞土輕金錢胡爲越中
吟強半窮愁篇墉城渺長
空鸞鶴未可攀大音入里耳
揮掃徒紛然丈夫不得意

杯酒時世慳何如吳山青照爾經秋顏文章在沒世弓
冶吾家傳努力勗令德莫待傷華顛

孟錕以瓶桂見貽手書謝之

小山夢斷客心幽折盡西軒冷露浮慚媿前身是金粟
也教管領一窗秋

前韻諸君辱和甚多以此謝之

玉七何年飛夢幽此來吟跡媿塵浮却教引得天香墮
散作人間萬種秋

挂蘭

幽琴曾識恨空谷豈前身除却湘江水平人間總是塵
我昨夢香草雲橈若有人空教幽思隔尋徧碧山春

挂蘭同大兄作

幽吟一夕楚雲還
香滿踈檐未許攀
漫說招魂從下土
何曾寫怨有空山
琴餘遠韻當門得
佩隔塵衣入座閒
幾向屋梁尋臭味
天風吹斷渺愁顏

靈均賦後杳仙槎
塵世空勞絕代誇
夢到楚天曾見影
目成湘女本無家
儘教一縷通香國
莫爲孤吟問水涯
桂棟辛楣都漫託
懸情只有月痕斜

復至湖上次大兄懷西湖韻

客遊乏新賞
繫夢惟明湖
經旬一晤面
慰我別緒孤
涼風天末來
萬頃搖青蒲
零落楚雲晚
情與閒鷗俱
可憐盪舟人
照影空羅襦

見湖上殘荷落盡悵然作此

西湖美人姿亦藉紅粧好誰知一片秋天風與淡掃芳
華悵日暮目斷千里道明月到前津莫照儂顏老

柬大兄

不合前身是輞川詩逋畫債兩牽纏雲山一幅還賒我
莫向西莊只醉眠

半月吟蹤結靜盟

新締浣
青詩社

都將惜別付新聲可無三載

勾留意貌出吳山送我情

官齋設浣青詩社合祀太白少陵酌之以詩

光芒亘古見精神日月雙懸俎豆新才到飛仙真絕跡
詩兼作史總驚人更無餘地容諸子各有遺音付後塵

脉脉一編休漫與蜩蟬此外盡迷津

窮愁千載領詞場合擁臯比共草堂飯顆浪傳吟跡異
屋梁誰識別情長願從尊酒聽餘論可許塵顏問辨香
薦罷芳蓀羣悵望驂鸞何處白雲鄉

和大兄曉望原韻

空園秋不盡萬樹曉生烟涼散湖邊雨晴分山外天客
心看白衿霜信落紅蓮一夜鄉關夢吹還雁影前

與大兄夜坐論詩畫賦贈

吾兄作詩如作畫落筆江山助光怪吾兄作畫如作詩
尺紙劖刻皆靈思但教元氣入腕底手動神隨本一理
讀畫不厭多廿年秘府紛摩挲讀詩不厭少一卷風騷

足終老此道於今塵土侵岷源萬里誰能尋都將粉本
作吟稿安知山水多清音昔人招引空餘步淡掃雲煙
卽仙路若能骨法到倪黃便是聰明通李杜我欲手持
彩筆五丈長指揮六合無秕糠新圖一幅掛碧海東南
日出天蒼蒼

曉霽望吳山

秋山無晴雨極望唯寒煙今朝見霽色不改容蒼然天
際雲影徐飛鳥自往還此時幽人夢高臥方掩關不知
落葉中新長幾尺泉

素心蘭

一縷分湘女忘言契乍通寫心惟墜露吹息有微風晨

夕徒勞數愁思未許同相挑憑素軫曲罷意無窮

將歸前一日別大兄

三秋泛梗滯天涯日日吳山望眼賒詩藉性情翻飾儉
遊因骨肉却爲家尙餘長鋏催歸棹好遣深杯對落花
從此明湖須夢到吟蹤留取驗籠紗

兼旬鹿鹿酬唱久虛稍暇大兄復舉前集而予歸
櫂已整不勝悵然因口占三絕句誌別

一卷湖山足擅場詩成拔幟果誰強讓君此處司牛耳
分得偏師到故鄉

謝傅庭堦總絕塵更兼東榻語清新不知吟到池塘草
可憶聯床少一人

辭家五月數南鴻來記初三去亦同別夢不離君枕上
寒潮聲裏是歸篷

別吳孝廉泉子

昔別燕臺畔重逢越水潯三年分客味兩月見君心夜
雨遲歸雁秋風急遠砧明朝想顏色便擬夢中尋

與大兄夜坐

相看俱骨肉豈忍念尊鱸自恨同秋雁能無感夜烏衰
顏宜愛日清宦正修途一夕依依話愁人是越湖

舟中有懷

客思同秋月清光一夕生夢隨流水靜身逐片帆輕孤
雁天邊影寒蛩草際聲此時官舍燭定爲數歸程

晚泊梅村

天涯一望水雲浮
漠漠孤帆接暮秋
無那湖山還繫夢
不堪風雨又歸舟
人從塞雁分離緒
詩少巴童荅舊愁
辛苦三年吾舌在
漫勞霜信報征裘

石頭湖

近晚秋風好
湖光一晌過
斷雲吹雨疾
遠艇見帆多
葭菼寒平楚
鳬鷺散夕波
何時稱垂釣
落日羨漁歌

海燕行

翩翩堂前燕
乃自海上來
秋風三載晴
毛羽歸來舊
壘空徘徊
徘徊復何所
翠幕垂華閣
今日棲身厭
一枝當時
繞樹悲三匝
茅檐主人淚
如雨雕梁玳瑁
能招汝屋

上青鸞會笑人銜泥莫更尋門戶

菊

忍以凌霜異其如衆卉腴數叢秋信老幾載故園違漉
酒新詩倦懷人舊摘非相看容我傲微爾素心稀

雜感四首

客裏資行樂歸來悵梗萍心同江雁冷眼謝越山青生
事嗟誰託人情媿漸經如何當歲晚遠轍不教停
當代論膠漆狂吟委路塵文章疎問世顰笑拙依人盡
植王戎李空餘魯肅困丈夫須自食始悔厭清貧
閒居思遠道觀化感流川庭樹淒寒色霜鳥集暮天夢
牽春酒熱情繫角弓翮多事馳榮願悠悠過百年

西笑何時遂升沉付濁醪斷鳬投恐異相馬識須高斫
地王郎劒衝寒范叔袍橋頭逢日者庶與慰塵勞

爲某題小像

清泉翠篠接寒空岸幘循行一徑通閒煞城南射雕手
秋風吹上竹枝弓

神雀空懸作頌才短衣誰與共徘徊莫教千仞輕拋彈
珍重隨珠照夜來

辭家口占

三年間寢感閒身襤被天涯又此辰北雁有情猶送客
春風何事強催人忍將白髮臨岐淚去浣緇衣上國塵
縱使長安花信好望雲心跡與誰論

舟阻京口

帶水分南北春風滯客舫江寒初作雨檣動欲生潮望
遠煙中隔爭歸渡口歸長年非我意日午臥逍遙

宿邵泊

顛風吹雨暗蕭颼繫纜長隄一望愁解道石尤能滯客
牽衣三日負勾留

漂母祠

一飯知豪傑名隨淮水傳載寧諸母並語爲丈夫憐擊
絮徵前跡聞鐘感後賢早能扶國士功在鄼侯先

雪

扁舟擁絮路漫漫不寐愁聽遠柝殘今夜寒生遊子夢

高堂定憶客衣單

與鄰舟夜語

客裏無疎戚聯舟卽故人
頻宵隔風雨一夕慰艱辛
問訊名重記招邀語暫親
同懷遊子感心緒各難論

渡黃河

宣房一綫鎖秋風滾滾驚濤萬古同
聲挾長淮喧日月勢從積石走南東
千家自昔煩堯倣三策何年奠禹功
慚媿清時濟川手空隨春浪轉飄蓬

對月

水宿看新月宵吟憶故鄉
一鈎升古岸永夕墮高檣
戍火連星暗河聲遶路長
那堪千里隔舉首共清光

宿臺庄有懷似撰甥

已是經年別偏遲一夕緣山城今夜月雙照故人眠遠
析因風到寒鐘近曉傳先愁揮手易把酒卽離筵

別似撰甥

東風三日滯行旌下馬山城數舊盟絳帳曉寒遊子夢

琴堂春雨故人情空傳美酒消鄉思

嶧爲古蘭陵太白詩蘭陵美酒鬱金

香則指南蘭陵也

莫遣孤桐奏別聲惆悵驪駒催客去齊雲燕

月緒交縈

官橋

跋馬官橋路危坡日脚昏地連滕壤古山近嶧峯尊湯

沐懷公子

地爲孟嘗封邑

衣冠仰叔孫

相傳綿葛習禮卽此處

不堪憑弔

意醕酒對荒村

高唐州

挾瑟吹竽事渺茫
猶傳風雅屬高唐
千秋我亦能高詠
空有長歌對夕陽

一獻蘇門萬籟沉
風塵誰與發幽吟
從來白雪愁難和
欲向齊東問賞音

柳

我愛長隄柳青青
解送人南來好攀折
此是故鄉春

曉發富莊驛和壁間韻

夜氣初闌朔吹收

連日北風甚勁

登車殘月照征裘
臥聽遠柝

難爲夢路遶荒雞
不斷愁問寢幾句
違故國探春指日

近皇州催人最是官隄柳十里青青一戍樓

寒食

馬上逢寒食春風又一年飭香村店粥榆火驛樓烟麥隴行乾鵲沙堤漾紙鳶征塵吹日暮愁見草粘天

至京邸

半月關河送馬蹄燕臺重見草萋萋吹來南國雲千里綰盡東風柳一隄捲幕但期春燕到出門可憶夜烏啼清宵獨有循陔夢隔斷鄉心是曉雞

三年射策強隨人欲乞頭銜爲老親衣染麴塵天畔客手持春酒夢中身現愁駿骨難論價復恐仙源別有津何日田園謝榮祿倚閭免使望艱辛

題李丈銀河垂釣圖

大人詣滄海一釣連六鼇延緣葦間人智令孔聖褒
梁達者適其樂何陶陶豈如計魚陂數澤窮錐刀江南
本鱸鄉一艇白雲裏揭揭葭莢飛風吹竹竿起危繡枕
手坐襪襪亦所喜不羨漢陰槎時得通印子借問臨流
心忘筌在秋水

和蔣農部立莽村居十二景原韻

菱渡

紫角青絲別浦東一篙淺映美人虹燐枯折芰閒居樂
清唱朝朝出曉風

楊柳灣

長堤千縷綠陰遮野店風吹半作花他日扁舟容繫纜
好從雙槳聽嘔啞

竹塢

十年把臂到林塘爲愛蕭森暑氣涼除是此君能識我
肯容狂散似袁羊

松岡

平巒一角暮雲高落日笙簫響翠濤爪鬣之而都變化
且教添得士龍豪

桃蹊

仙源千載悞人來何似鄉廬遶屋栽直到門前有流水
春深一色曉霞開

藕塘

翠蓋亭亭老未除
相思萬縷在清渠
如船玉井輪君見
華頂何年縱目初

菜畦

頻宵剪韭待羊求
雨過南園嫩甲抽
我亦生涯思抱甕
何時十畝稱歸休

青雲社

荒村曾鼓報迎神
景物紛榆到眼新
莫笑瓦盆風味樸
太平幽蜡在斯人

帆影亭

碧空雲影望中孤
小築紅泥逕未迂
我是長安才返櫂

故人天際見還無

觀稼軒

萬頃黃雲照耦耕腰鎌人語帶歡聲三年民部乘郵慣
暫向江村課雨晴

蒹葭書屋

秋水纔生蟹漸肥蒼蒼一帶繞荆扉苦吟有客如文暢
看盡亭臯木葉飛

花雨禪房

問疾維摩近若何

余北歸後
卽抱病

天花雖着尙無多苾芻亦

是人間草悟徹浮榮且一過

無題

銀雲櫛櫛漏初移酒倦箏人罷弄時刮眼無篴都設障
中心有局任彈棋鳩媒天際傳書遠魚腴江邊解佩遲
青簡花蟲消蝕盡漫勞粉本寫相思

山上蘼蕪歲歲過纖纖手爪近如何畫眉已悵夫君老
擁背翻嫌阿姊多藥店龍還愁出骨野田雀豈畏張羅
香車一任如流水茅屋從今更補蘿

曾逐銀牌赴維都黃金羞澁貌難圖七襄枉織天孫錦
一笑誰投玉女壺壓酒吳姬情自好卷衣秦帝夢還辜
香衾嬾更從殘貴怕聽清宵滿樹烏

相別慙慙相見誇上牀羅薦認偏差小名已悔教鸚鵡
半面何因出琵琶蠟板歌殘雲未散鵝屏燈暗影空遮

多情輸與樓頭月夜夜春風拂帳紗

一曲花孃欲譜難長筵袖手漫知寒美人豈惜身爲石
香草誰能目以蘭要遣犀株防膽怯休將蟬翼晒衣單
摧燒玳瑁尋常事話到蕭郎淚已殘

修成眉史起春愁正好花時玉讌收灸面明妃生女恨
捧心西子入宮羞已看青廓真珠少安得黃塵走馬休
日暖月寒人易老何年夢覺是揚州

濯熱行

我欲隨風到閨苑銀海千重碧波捲長松吹雨白晝陰
玉樹蕭森月華滿不然弭節姑灌山層冰戢戢飛雪覆
日車火繖不見影幽巖凍合霰雲寒食何爲兮腐與腥

甘瓜朱李嚼水晶碧筍一飲兩腋清蔗漿金碗流匙明
衣何爲兮錦與綺蛟鮪作衫玉作履五銖飄颻風沁體
孫登草裳徒爲耳居何爲兮在畫堂葯房荷屋白石床
拂秣涼瀑飛遶梁開簾萬綠鳴簷管長安此時日卓午
幃車隆隆煥赤土唐裝手版汗浹膚喘息歸來不敢語
我聞夸父奔馳死以暍蕭邱木枯石根圻洪厓井深素
纒縻目斷焦陵淚空赤多少名場觸炎客襤襜黃塵耐
煎迫深山難覓驚鷗方荒邱徒懷壬癸席乃知羲皇上
人是吾侶悠然北窗夢栩栩

夏日雜咏十首

僕歸自長安棲於故里際祝融三庚之赫無稚

川六甲之靈蟲多擾人知語冰之難入服用應
候嗟觸熱之何堪不能跡託露寒席幾飲思河
朔卽目寄咏率成數章聊以當逸客之嘯風未
敢方詩人之興物也

螢

自有高飛願何嫌腐草生隨風來隔牖欲雨亂深更幸
免清霜逼還羞素月明浮生思燭火輸爾慣宵行

蚊

麼蟲何自喜嚙晦族偏強羽翼唯惟席肌膚是稻梁負
山空有媿捫掌豈無傷况及羞丹鳥焚楸盡室香

蠅

問種茅根賤營營敢自矜驅難慙草盡聲有亂雞能察
腐偏餘智乘炎定可憎匡床白壁在應爲設堅冰

蟬

泥滓何年脫臨風意未平端綬長自惜吸露有餘清十
里空盈耳三秋尙費聲幾多求美蔭羽翼待秋輕

蕉扇

豈意蕭窗雨飄然到手中握來新綠在清絕曉涼通楚
竹虛同調齊紈訝並工愁心今展盡那更怨秋風

機拂子

披拂亦何力枯根得近人差教閒白羽聊用豁緇塵止
棘煩驅逐談經任屈伸舊時王謝物手與玩清貧

竹夫人

遠致瀟湘質南熏薦寢初冰肌同夢好黃裏沐恩虛豈
解因人熱誰憐抱節疎商飈吹不恨所媿伴籊條

瓜

舊種青門貴生涯學圃難浮看蒲鵠老剖喜水晶寒漫
憶甘分少當思蔓摘殘雖非蔗漿味要使熱中寬

冷淘

采掇槐芽嫩消炎廣葛方入鐺蓬子潔照筍水花香卵
盃清流汁冰拌白有霜吳均饒說餅好補食單涼

冰

本乏成山羨曾懷執熱思誰知窮谷獻却使夏蟲疑入

座光凝鑑登盤剌沁脾清寒終自守愆伏有時資
茵坪以咏物十章索和用西崑體酬之

湘簾

參差長率地隱映密遮人窺憶青禽少鈎空皓腕頻漾
紋疑楚水垂影亂霜筠好是清輝入新蟾與客親

竹牀

舊憶此君味棲遲綠玉殘瀟湘爲夢寐枕簟記平安倦
每拋書潤清宐覆手寒北窗煩位置不羨五香看

涼簟

玉色裁珍簟含風八尺陰結花霜自起鋪水月恒侵笛
竹攜來滑桃枝展處森欲教情興愜掃地到深林

蒲履

本是離離葉名更不借奇織從塘上便曳近澤陂宜漫
憶青絲美無勞雜采施消炎知幾兩拋擲亦隨時

藤枕

扶老曾資策

策扶老以流憩扶老
藤名見困學記聞

方牀憇亦平誰知膏

沐伴本有蔦蘿情磁石還輸耿芳松或遜輕多應身化
蝶夢繞剡溪清

芭蕉

幽軒初過雨靜愛綠天居心與丁香結聲從乙夜疎涼
分細帙潤影覆碧窗虛何事干修竹彈教障蔽除

紫茉莉

俗名胭脂花結實剖
之中潔白云可作粉

數叢苞紫萼結子解圓勻那悉香微似多羅粉暫珍紅
藍虛染色暗麝靜迎人摘亦勞纖手簪來綵線新

夜來香

舊是靈芸種乘涼愛乍收每隨釵腳墮慣傍枕函幽吐
馥殊蠲忿蠲忿卽夜合其花夜則合也含情定療愁也應名待女着

意媚嬌羞

珠蘭

何日鮫人淚翻成楚畹香青青攢粟蕊粒粒簇花房入
掌思爲佩同心贈作璫可能羞照夜長綴綠雲旁

夾竹桃

渭畝通秦洞紛披到眼疑誰將君子節并作美人姿踈

影蒸霞亂穠華籜粉滋折來如削杖桃竹舊名宜似撰舊有
詩云此樹若長成得非桃竹杖因用之

題閨卷後

采筆江郎夢枉尋摩挲蠹粉費沉吟焚餘聊與重收拾
留取風檐一寸心

香車輾轆善和坊倚遍歌樓已斷腸一夜城中傳髻樣
折腰齟齬總新粧

頻年席帽走神京聽盡慈恩三月鶯可是南宮變雲海
十分風月畫難成

羅幃直入羨應難半面粧成淚暗彈多謝無鹽煩刻畫
修蛾至竟恨媒殘

樺燭燒殘漏未央
詩成紫竹好評量
辛勤豈敢辭蠶蟻
只要星光照夜堂

只尺蓬瀛望等閒
春風偏向馬蹄慳
平生自媿劉蕡策
料得無人爲厚顏

家山夢斷客魂驚
如雪春衫染未成
辜負倚閭雙白髮
塵沙南北六千程

長鑣歸去且隨身
牢落休依京雒塵
閒煞肆中沽酒客
金龜一解竟何人

自分才名等散樗
搜羅夾袋敢嫌疎
手中跳脫須拋却
不獨南華是僻書

一曲陽春細討論
戰場空自眩朝暉
他年夢到蕉中鹿

莫浣青衫舊淚痕

靜夜

新秋一枕晚涼中
雨歇螢飛露氣濛
北雁無情空見月
暮蟬有恨自臨風
病依梧井心兼墮
眼盡星檐夢未通
如此南雲虛繫影
故園衰草分飄蓬

髮有一莖白者

曉鏡非人意形勞
見髻絲闌門敢稱
老身世屢違時賦
憶遊梁倦衣看入
雒緇頭顱才四七
細審向人疑

昨夜詞

昨夜秋風墮青鳥
邀我蓬山拾瑤草
九關虎豹與通名
指點清都月輪皎
雲深天語有無間
歸路烟波已十千

將到仙舟吹更遠未通秦洞溯何緣夢吞丹篆前生事
拍手從旁有誰記多謝雙成爲寄聲此身未信長捐棄
自願勞山折苦篲藥爐修息待流光牧羊一夕能飛去
不藉青霓奏綠章